

程

寧澹齋全集卷之二目錄

七言古詩

元宵行

館課

觀 聖祖畫孝行及身經歷艱難戰伐圖

有感恭賦

館課

姚子雲年少遊燕子壯其行贈以長句

趙松雪滾馬圖

躍龍山弔方正學先生

閏九月九日觀菊

觀山叔以詩見示步韵荅之

邊塞苦寒吟 館課

東溟圖為高開府賦

劉義齋老師清道觀小集

題金門待漏圖

王孝子歌

丘遠程年丈郎君英畏喜而賦此

溪山小隱歌為柏亭張隱君 有小引

戲詠並頭蓮

送別顧中瑜父母之任金陵

松筠祝壽歌

立馬吳山巔送封九第

周懷魯開府請 告拂衣時予適過吳門

悵焉贈別

贈包處士

薊門行送友人賀 萬壽節事竣還任

劉策齋父母治慈有聲追祀名宦其孫宗

魯太學千里謁祠詩以贈別

章溪竹隱

馮山人以書名家因其壽為賦

八駿圖為陳元揮

姚汝宣明府稀齡初度時有母太夫人年

逾九袞矣汝宣戲舞班禰純孝彌篤睠

言盛媿是用作歌

閱宋史監門鄭俠上流民圖有感

館課

擬唐文皇以誕日宴舊臣弘文館十八學

受聯句

柏梁體

館課

遺世歌贈皇甫觀幻

冬宵引司馬承禎體

贈勞畫士

寧澹齋全集卷之二目錄

寧澹齋全集卷之二

句章楊守勤克之甫著

同社姚孟燿汝行甫校

七言古詩

元宵行 館課

皇都春色接蓬萊
元夕韶華蕩地來
月明如洗銀河淨
萬戶千門次第開
曩時天子樂民樂
玉樓紫禁疏魚鑰
雉扇鑾輿出九重
金蓮達曙光
灼爚鰲山高插碧
雲中丹岬花嶼凌
崆峒火樹

星橋連皓魄魚龍角觝舞迴風已聞聖恩深似
海此夜民間恣驩愷五侯七貴逞驕奢舞榭歌
筵齊列綵坐擁翡翠高雲鬢玳瑁襍佩和銀鐶
爐獸蘭薰飛寶篆月華燈影輝朱顏醉遊花衢
逞姚冶曳履連袂闔都雅追歡笑出玉芙蓉萬
炬園中試步打奇童老叟盡謳呼天子臨門觀
大酺羣工屬和天顏喜萬年此夕長歡娛邇來
同此元宵月浮影流光怕消歇光明有燭照逃
亡私情遙擬排金闕

觀 聖祖畫孝行及身經歷艱難戰伐圖

有感恭賦 館課

腥羶一片溷真宰中原九鼎將安在真人仗劍
起鍾離劃開雲霧分華夷九法三綱重匡直地
諡天經立人極古來至孝屬聖主圖史分明著
儀式南北間關餘百戰白下清寧闢畿甸艱危
數字皇陵碑勛業千年奉天殿畫史奉詔寫輕
綃秘閣傳來十一朝琬琰光華生赤玉縹緗掩
映近雲霄小臣拭目瞻宸畫祖訓洋洋勒金石

創業艱難信如此莫以金甌輕一擲

姚子雲年少遊燕予壯其行贈以長句

太史南浮下會稽青蓮去蜀道荆楚由來古人
事壯遊豈辭跋涉憚修阻况乃豪傑聚皇都仗
劍相從夙期許子雲才藻韞風流睥睨儕輩誰
可語眼底青雲足下生直須扶搖便翀舉少年
不羨五陵豪雄文饒作三都叙一朝挾藝赴京
華兩腋乘風正秋序經行弔古攬星霜忼慨悲
歌動禾黍千里長征若等閒五雲深處時廬旅

縱觀宮殿入穹霄還尋宛委抽鴻緒快來攜客
訪瀛洲幽探曳屐窮西墅帝京有賦動王侯長
安春色生毫楮子長大業富縹緗謫仙詞翰盈
囊貯肯同彈鋏歎無魚應笑鬻金如嚇鼠驪歌
唱罷贈君言世路悠悠忌才謂虛舟不怒衆所
歸谷王善下在所處天下從茲盡識君賢豪傾
蓋投心膂他年首上黃金臺玉筍班頭推舊與

趙松雪滾馬圖

子昂翰墨妙天下技精山水更善馬等閒寫作

鐵騅圖梧桐樹下滾駒駉躡電追風四足懸尾
花飄散飛寒烟仰天噴薄塞艸偃駑馬驚聞不
敢喘已聞漢非多神駒此馬毋乃慣長驅可憐
鐵騎躡中原一朝華夏淪腥羶中原生靈方切
齒吁嗟畫馬誰氏子

躍龍山弔方正學先生

躍龍山前洗馬池山池夾溪溪水澌山鳴水沸
龍欲吼中有正學先生祠正學精忠炳竹史浩
氣到今塞兩儀卓哉完節天所昇從容就義無

難詞吁嗟泰山鴻毛等一死臨危愛身誰復知
先生豈不達氣數而乃鼎鑊甘於飴九族同誅
良太慘萬世有君安足辭身騎箕尾依日月凜
凜英魂何弗之聖明繼起旌忠特年年桑梓薦
尊匱偶逢直指勵風化遷祠就邑敞新規我來
弔古登斯麓讀罷貞珉心獨悲存亡豈隨祠興
廢縵城靈跡永不移君不見蒼松勁柏標孤幹
挺然生氣常如斯於都昭代歷無筭汗青垂照
胡窮期先生心事向誰語吁嗟苑結兮于彼首

寧濟齋全集卷之二
陽之側孟津之湄

閏九月九日觀菊

西風再度重陽節陶徑黃花香未歇冷艷寧容
蜂蝶窺貞操祗許松筠列東籬把酒暫徜徉依
舊南山秋色蒼聞道延年種最美采來願佐聖
人觴

觀山叔以詩見示步韵答之

騷人鍊詞復鍊格榴皮日爲題詩擘攜樽長入
綠花叢醅酌花前還舉白醒來倒着折角巾豪
吟憂玉芴無人眼中變態付流水意氣徃徃凌
秋旻平生遊跡不堪紀垂老勝情猶未已春來
知復爲詩忙不覺堦前長蘭芷

邊塞苦寒吟

館課

一陣西風開虜絃玉關黯黯迷寒烟千里萬里
凍雲合塞南塞北陰冰連陰冰連兮人徑滅馬
悲嘶兮猿嗚咽胡笳斷續刁斗稀毳毛盡脫鷄
衣絕足瘴瘵膚寸裂還將熱血膏金戈忍見枯
骸填積雪胡兒習慣多雄驍打圍搏獸獻天驕

可憐漢兒素怯不敢敵一聞虜絃之聲鬼轉銷
魂銷尤怕說家鄉浹歲中原被水傷棄家鬻子
延殘喘捉襟肘見無完裳

東溟圖爲高開府賦

東南溟渤巨扶桑洪濤巨浸掣蒼茫昔時鯨鯢
恣出沒徵兵撻伐何張皇一自承平數十紀薄
海夷氛漸萌起九重東顧嚴隄防特簡元臣龔
蛇豕元臣誕降毓蓬瀛氣凌霄漢吞河濟曄曜
星文貫斗杓垂天雲翼搏扶搖觸邪共識柱下

史平反犴狴生苕蕭一朝秉鉞鎮南服櫓槍不
動狼烟銷撫綏兆庶固吾宇徹土綢繆先未雨
俯諏謠俗揖冠紳談笑風流揮玉塵赫聲直震
薩摩洲殊威遙暢彭湖嶼竭來大燾下蛟川扁
帳風高刁斗懸萬里澄波開水鏡九天晴色照
華筵筵前饒歌發喧吹競搗鼉鼓聲闐闐宿兵
不用勤征討海舶重來遵貢道坐看蜃氣勾樓
臺隱映蓬壺與瑤島堪嗟漢室事窮兵百萬空
輸貳師老飛書奏績入彤闈勒鼎銘常錫等威

寧濟齋全集 卷之二
中樞虛席遲方虎信宿東南有袞衣

劉義齋老師清道觀小集

吾師浩氣吞溟海勁節凌霜揚在在
一朝旌騎蒞名山四望郊原騰瑞靄
瑞靄氤氳遍野田高峰峴屹插蒼烟
東來岱嶽靈源遠西接蓬萊近
目前慷慨豪吟絕峭壁人瑞山靈兩相敵
啣盃坐向玉壺天珠璣談笑分餘瀝
况乃春風拂花縣絃歌百里迎春燕
朱轂遙臨白屋輝綺筵
案擁青山絢何當行色催馬首促膝傳心良未艾

只今謳頌入豐碑呵護明神永不朽

題金門待漏圖

一從解褐次鷓聯幾度丹心向日懸
晨起鳴珂趨鳳闕聽盡嚴更五夜傳
五夜螭燈想宣室九天翠輦瞻清蹕
金莖露濕曙光寒玉殿雲開香霧溢
鳳詔俄傳出建章銅符乍縮向河陽
鳴琴咫尺天威近又捧綸音附末光

王孝子歌

丈夫七尺孰無歿棄親不顧胡爲子
聞管倭夷

鹵掠來逃亡稍後無活理憐君至性戀親慈百
計哀哀竊負時捐金竭力不得免殺母寧甘身
受之受刃旣甘猶戀母母有魂飛無路走倭奴
駭顧頗回心白髮依然保領首母得保兮子孝
殫重泉之下心且安愧彼亡身及親者滅頂通
天見性難彼昏不知那足論還嗟豪杰多遺恨
仗劔歸劉却爲名絕裾罔惜營方寸君名蚤已
蜚鬢校苟全血肉詎稱孝凜凜生氣塞兩間流
傳百世敦風教天子揚勵方日新標題崇祀沛
恩綸九原此日應含笑更喜承家有後人

丘遠程年丈郎君英畏喜而賦此

君不聞國朝元老推文莊六歲能成七步章登
朝獻納綜今古石渠著述何輝煌詞宗今見遠
程氏龍門才識漢太史庭前英物真鳳毛舞象
之年遂鵲起讀書一日可十行落筆千言出片
晷冲襟曠度更汪汪不數當年千頃黃橋梓文
章應蓋代名山大業歸青箱

溪山小隱歌爲柏亭張隱君

有小引

夫市朝濃艷丘壑寂寥兩者綺勝羶濃
苦寂則所求大也然形受備勞心受備
緹亦太苦矣夫惟小故能隱其小也所
繇碩且寬也君之意儻謂是耶爲之歌
溪山寂歷境悠然中有張克領趣偏世上榮華
誰不喜翁視簪纓等敝屣簿書蚤解賦歸來剡
溪領畧佳山水頽然箕踞幽林下清泉一勺塵
心寫縱目掀髯拍手歌山鳴水應聲傳野溪鷗
可狎麋可馴短褐翩翩一角巾山采蕨薇溪采
荇好客來過不厭頻漫言風月溪山小樂在其
中趣不少終南衡嶽亦何爲靜裏營營雙鬢皓

戲詠並頭蓮

碧沼新開並蒂蓮紅衣相抱月明眠齊含瑞質
超塵挺雙雙點頭神欲顛曉風微送笑嫣然肯
向凡人共乞憐我欲攜之向綺筵恍疑二妙俱
來前君不見清秋漸近月華天嫦娥孤怨自年
年廣寒却妬花爭妍司花仙子偶無權花分兩
朶絲徒牽

寧波府志卷之三
送別顧中瑜父母之任金陵

我師原是玉堂仙暫借句章作良牧盡日垂簾
寂徑苔公堂有琴時度曲直道何知阿上官潛
抑中涓杜苛督百里絃歌坐惠風均清徭役公
私足德政傳聞紀漢屏特進西曹清犴獄金陵
本是舊桑梓沙堤踏遍誇新築十里江花濯錦
鮮一春鄉樹迎車馥何當烏鵲競攀轅借寇一
載已不復慈山幽可探慈湖清可掬公來湖山
佳公去湖山俗止餘明月照青蕖還看湛露零
黃菊嗟予碌碌困蓬茅遭逢拂拭回寒谷方期
化雨日浸濡而乃仙舟催迅速綠遍桃蹊感自
深青垂柳含愁如簇悵望雲山天一方驪駒欲
賦聲斷續公今此去江帆開應念蒹葭方極目
飛鴻矯矯自南來儻然好我貽金玉

松筠祝壽歌

君不聞虬松偃蓋高千尺伏龜栖鶴濡玄液聚
脂飛節作龍形人間取冠長生籍又不聞琅玕
敷綠出高岑梢雲防露積深陰練實結爲鵝鳳

寧波齊金集卷之三
食翠筠鬱鬱如松心二物凌霜并傲雪貞操不
共凡昌折大端曾載禮經文生人誰與清芬埒
劉君華胄却含醇崇儒秉禮何恂恂逃名愛讀
岐黃訣難經素問咀其真尊生術秘童顏駐矯
輕不讓偃佺步松竹蕭森對畫屏清風颯爽生
疎樫君兼賞鑒號博古靜中歷涉圖書府高譚
雄辨擅人羣持以三緘不輕吐稀齡杖履逸躡
躔賓朋爽闇集芳筵飛觴共祝君沉醉歲歲松
筠同晚翠

立馬吳山巔送封九第

吳山高插武林城立馬峯巔四望橫廣寒飄下
天香碧就手攀來纔咫尺知君袖有紫泥九函
谷關封談笑看氣寒牛斗歌聲午睥睨吳山等
塿土

周懷魯開府請告拂衣時予適過吳門

悵馬贈別

皇家財賦倚東南舳艫啣尾如飛驂帝宣周公
肅將吏撫綏大化漸遠覃昔日朝陽看鳳舉直

聲象上聞當宁馬冠我我善觸邪擊盡城狐與
社鼠今來吳會懸福星霜稜冰節炳三靈素絲
脫粟風有位詰戎震厲鞭風霆百僚承之庶邑
理萬姓歡呼四野起溟海鯨波靜不揚降帆貢
舶歲如市三吳列郡仰熊車美利皆興宿蠹除
共言萑藪絕寇警誰道中山有謫書公曰吁嗟
世已非浩然決去返初衣節旄乍出松陵道士
庶徬徨失所依攀轅臥轍唯恐後只願叩閣一
借寇君門萬里那得聞公歸自此恐不復我念

吳民情孔亟臨歧黯爾無顏色言將圖繪留儀
容長使清風愧貪墨

贈包處士

君不見見躍龍山下溪流沸聲如雷吼光徹天又
不見岩前蒼松結翠蓋時有瑞鶴來盤旋地靈
應產人中杰如君丰采何蹁躑德星聚里輝華
屋佳氣盈門護綺筵君之季子夙英俊負笈從
予蓋有年追陪此日見金石傾筭示我珠璣篇
秀色逼人堪把玩知爲萬選之青錢酌酒祝君

寧濟齋全集 卷之二
爲君擘抽毫揮酒盈霞箋愿君保艾與引翼彌
高彌邵永無愆萬石燕山仝福祚簪纓奕葉聲
蟬聯

薊門行送友人賀 萬壽節事竣還任

萬年天子宴蓬萊九天宮闕鬱崔嵬簪紱繞堦
執玉舞越裳航海奉琛來縈爐香裊千秋鑑祝
岳雲回萬壽杯萬壽千秋樂未歇四方五玉辭
天闕風雨滿城落木秋此夕故人從此發大旆
連旗碣石雲紅亭綠酒金臺月十年一遇未成
懽孤帆萬里愁漫漫愁絕驪歌不忍聽薊門山
色饒佳勝歸途不盡祝岡陵回首宮雲日未暝
劉策齋父母治慈有聲追祀名宦其孫宗

魯太學千里謁祠詩以贈別

劉君毓秀匡山埜英姿磊落饒都雅紬繡鄴架
續青箱染翰摛詞妙天下舜江淵源長發祥竭
來禹蹟歷句章句章神宰管王父百年惠澤垂
甘棠君至會當崇俎豆雍容主壘歸華胄橋門
觀聽極歡呼共信仁人應有後何當別緒乍西

東忼慨臨岐氣吐虹此去壯遊驚嶽瀆遍搜名
勝包鴻濛子長足跡周寰宇作賦登高跨今古
三策攜來獻帝都萬言直上酌當宁金臺馳驟
意飄揚隨世功名非所望精鋼秀幹遺風在亮
節徽猷道脉長世儒標榜規名利僭王猾夏渾
如醉聖真嘿契在忘筌良知內印原無意慈湖
新建共根源悟到從頭衆妙門君家衣鉢流傳
久勛烈文章詎足論

漳溪竹隱

澄澄江水向東流
有隱君來夷猶試問隱君
誰是者竹林笑傲七賢儔
七賢恣飲詎不放敗
俗祇貽世道憂
隱君好酒洽天性樂存名教長
優游清風徐來動
修竹漳泉隱應聲悠悠泉堪
嗽齒竹堪餐
乘除寧復問春秋
我哀世間塵埃
士對飲此君能無羞
樂性完真天地濶
竹林鬱鬱成丹丘

馮山人以書名家因其壽爲賦

馮君善書法臨池意軒軒少壯入精妙老去更

瀾翻宛轉不斷石藤跡急直時如屋漏痕驚蛇
飛鳥既奇絕蠅頭蠶尾尤專門世人莫笑不濟
貧換鵝換羊價不論願君年年常書百壽字百
年之內積成萬壽獻至尊

八驥圖爲陳元揮

由來良驥比君子八駿何如周八士况乃鍾英
介胄家鷹騰虎闕種相似陳君倜儻抱干城生
時上應房星精少小甲兵胸百萬壯志封侯願
請纓承家閥閱能謙讓詩書禮樂稱儒將不與

駑駘同皂櫪豈隨泛駕爭跌踢君不聞國馬孰
與天下馬試讀蒙莊辨真假君直麒麟閣上人
還誇龍種羅庭下殷勤爲題八駿圖願韜逸足
待長驅聖朝不惜千金價用汝橫行滅羯奴

姚汝宣明府稀齡初度時有母太夫人年
逾九袞矣汝宣戲舞斑斕純孝彌篤瞻
言盛媿是用作歌

君不見老萊遜世特全身三釜猶然未及親靖
節高堂久寂寞陶然自謂羲皇人孝義貞操兩

莫負千古寥寥誰獨有事君豈必能事親碌碌
風塵空白首得天天復與全昌孰是姚君樂且
康蚤歲騰驤驟皇路聲華事業何輝煌到處蒼
生沐霖雨棠陰蔽芾歌未已拂袖歸來髮未斑
色養慈幃恣所歡怡怡昆季式相好次第起舞
娛阿媪年來蚤已過稀齡含飴弄孫若未老母
年百歲齒復兒笑看玉樹滿庭墀每逢花晨奉
行樂曾玄遠膝爭攜持爲君作歌歌載賡窺君
睂宇色轉嬰願言橐筆似千古樂事高風誰與

京

閱宋史監門鄭俠上流民圖有感

館課

宋室青苗等商賈上千驕陽毒太苦鴻鴈劬勞
哭載途小臣亟上流民圖十日不雨願斬臣三
日甘霖起涸鱗天人桴鼓已如此胡乃苛令復
旋申我哀憚人發永歎君門萬里難披肝靖康
貽禍誰爲者極目流離心欲剗

擬唐文皇以誕日宴舊臣弘文館十八學

士于內殿聯句

柏梁體

館課

武功文德綏靈長

文皇

撫宸拱極依末光

杜如晦

運籌出入恢皇綱

房玄齡

秘監竊窺二酉藏

虞世南

諫獵敢比賦長楊

褚遂良

離宮願畜君堯湯

姚思廉

曳裾授簡賴垂裳

李道玄

文學纂修止後梁

蔡允恭

高岡際遇慙鶴翔

薛元敬

秘書奉命釐四方

顏相時

帶經遊藝愧諮詳

蘇勗

諫苑罔荅寵非常

于志寧

願比譎諫箴披香

蘇世長

肉譜人物妄較量

李守素

離經博古聊闡揚

陸德明

屬文議禮贊明堂

孔穎達

春秋三家臆表章

蓋文達

著作貂續河東郎

劉孝孫

國史載筆記無疆

許敬宗

遺世歌贈皇甫觀幻

三吳書淫氏皇甫胸中經濟羅今古曾參帷幄

領元戎百萬甲兵嚇於虎功成無意戀封侯一

朝拂袖五湖遊接羅短筇履不借原上長風舞

白鷗鷗可與麋可侶我生非我有真樂共誰語

襟懷洒落出塵寰穿雲躡嶠叩玄關形骸離却

併懍伎睥睨縣車若等閒蒼華種種垂蕭瑟

峰纍纍殊岑崱神舒綺浩常胡盧步軼義皇任

坦率與來咳唾生雲烟龍蛇驅走盈霞箋風流
文采追王謝騷雅翩躩稱謫仙朝來玩物華暮
宿夕陽斜君豈不知神仙之渺茫而乃襲迹攻
飛沙嗚呼人情物態兮秋雲薄浩然長往兮于
彼天之涯

冬宵引司馬承禎體

夜嚴寒兮漏轉沉燈火銷兮幽思深夢難成兮
對孤衾嗟伊人兮懷遠心孤衾寂寂愁獨旦凍
雲渺渺結不散欲倩旁人寄此情千里雪迷鳥

跡斷

贈勞畫士

畫工畫人不畫骨圖鬼圖神莫方物尋常欲寫
眼前人點染姿鬚何鵲突勞君筆法獨超羣顧
虎頭應相彷彿

寧澹齋全集卷之二 終

寧澹齋全集卷之三目錄

五言律詩

春宮直講

曉酌

張世調年丈冊封襄藩送別二首

賦得冬嶺秀孤松 館課

古道

雨後

東姚汝行鄉居

春遊

江上望金山

春日蚤朝

坐水雲亭

閒居二首

萬壽節

曉寢

山居即事二首

遊龍井二首全馮正子太史

與姚子雲夜坐

館中直宿

拜唐宗伯大座師墓

廬墓偶成

張叔相年丈計偕弔余廬中詩以送之

水竹居

雨中荅觀山叔用來韻

將遊九華宿山寺

上龍池

送周君食年丈之任義烏

喜晤許啓芳孝廉

西山對月

秋夜

潘石乳父母內召送別二首

苦雨懷歸

公館小憩

胡氏園居

秋夜小集

九日山陰道上二首

初入吳門同姚汝行賦

百花洲

山寺對雪

趙當世明府招飲焦山阻雨投甘露寺

送翟爾騰侍御抗疏出京

撤棘

讀袁君夔年文望海篇二首

賦得青陽嶺送姚汝行之括蒼

寧澹齋全集卷之三
楊侍御母夫人六十

送胡寅之司李廣陵

無題

聞警言

寧澹齋全集卷之三目錄

寧澹齋全集卷之三

句章楊守勤克之甫著

同社姚孟燿汝行甫校

五言律詩

春宮直講

青宮開講幄竿濫喜趨羣節近嵩呼日祥連鶴
禁雲惜餘知遜志虛受藹溫文宴賜承恩重捫
心愧博聞

曉酌

寧海齋全集卷之三
宿雨朝初霽看花色倍新游魚爭戲水舞蝶盡
翻春酒爲移鄉美情因對客親隔林鶯亂語喚
起乍醒人

張世調年丈冊封襄藩送別二首

周典分茅重詞臣肅遠將暫違金馬署還訪白
雲鄉攬轡新冠蓋題橋舊驢驢爲宣君澤溥漢
水自湯湯

桐封仍畫錦才子意如何草色迎仙旆鶯聲答
芋歌離懷燕市遠清夢楚山多魚水方深眷南

陽未許過

賦得冬嶺秀孤松

館課

雪覆羣山暝寒深衆木凋喬松生峻隴千尺竦
孤標磊砢多經歲青蒼故拂霄亭亭看秀出封
爵受何朝

古道

古道連長坂肩輿入暮天蒼茫聞驛鼓冷落見
村烟秉燭寒無焰圍爐濕不然正思江檻外乘
醉理漁船

雨後

莓氣侵庭濕清香靜裏焚輕雷散殘雨微月吐
重雲翡翠窺池下松聲隔院聞冥心觀妙理世
態任云云

東姚汝行鄉居

地僻逢迎少聯吟若箇羣藤蘿成翠蔭蘭竹共
清芬把酒風生腋看山日到曛南樓窮目處佳
氣正氤氳

春遊

山遊簡厨傳飲興覺偏饒砌冷苔痕古花深鳥
語嬌遠峰橫翠黛踈雨濕虹橋醉睨山前月明
來不待邀

江上望金山

兩渡維揚水金山未及登浮空懸鐵柱控海障
鍾陵塔影驚翔雁江風駕遠鵬遙知天塹險萬
古亘峻嶒

春日早朝

條風初應律上苑獨先春咲出林鶯巧嬌來宮

寧澹齋全集卷之三
柳勻曉鐘帶殘月仙仗絕飛塵朝罷看衣履猶
霑湛露新

坐水雲亭

一泓春水綠萬樹曉雲紅
逕軟恬幽鳥花嬌弄
好風輕裾香氣襲虛閣翠烟籠
坐久渾忘倦乾坤半榻中

閒居二首

長嘯豐林下升沉漫復論
風清來竹舍月白映柴門
捷豈終南徑閒耽栗里尊
偶懷閔仲叔猶覺此心煩
山居同稿木兀坐小亭幽
濁酒時堪醉清蔬足供羞
臥遊乘永晝邀月及新秋
不問人間事長歌侶白鷗

萬壽節

聖曆齊南極秋深化日舒
萬方濡湛澤九野慶華胥
宣室凝玄貺維城遶帝居
微臣無可獻儼泰戒衣袂

曉寢

曙光明且爛欹枕復貪眠襪被翻殘夢
窗窓逗翠烟踈慵原自性顛顛况經年
未許便便腹偷安似孝先

山居即事二首

山中鳴雨過林澹鳥歸遲淪茗聊踈酒
開枰漫覆棋香浮薜荔遠藥採紫芝
奇此意誰堪語臨風遲所期

僻愛山居寂條然離俗焚泉聲穿石出
鳥語隔花聞嘉木流踈影虛簷挂夕曛
濁醪頻供酌幽

賞許誰分

遊龍井二首全馮正子太史

龍宮倚絕巘一壑瀉清流空翠深庭落
飛雲片石留風疏茶霧曉韻動竹林秋
咫尺仙家近何

勞訪十洲

覽勝情偏劇招攜况史公層雲依步履
鍾呂協詩筒近日紅生袖吟風綠滿叢
龍樓凝竚久此地幾重逢

與姚子雲夜坐

獨坐芳亭畔無言意自舒
水流新綠暗風送嫩
篁徐煮醞幽聞鼎燃檀
細染裾多君來晤賞月
色上庭除

館中直宿

金門先射策玉署乍鳴琴
藜火通銀漢槐庭滿
綠陰編摩窮徃古靖獻竭來今
祗恐孤恩眷終宵獨問心

拜唐宗伯大座師墓

茸城尋舊跡惆悵過師門
衣鉢心傳重絲綸世
業存草烟埋隴道梅雨暗川原
一洒羊曇淚無言可報恩

廬墓偶成

幽居與世隔仄逕長莓苔
樹色經風慘泉聲帶
雨哀天高那可問心稿欲成
灰縱有莪蒿咏能令徹夜臺

張叔相年丈計偕弔余廬中詩以送之

秋深天際渺霜色老蘆英
憐我棲苦塊榮君上
錦程高歌驚落雁雅興入
寒觥踏破長安月遙

寧海齋全集 卷之三
知在此行

水竹居

萬竹藏深塢，衡廬枕碧湍。
韻踈風瑟瑟，影浸露溥溥。
隱几時聞鳥，牽裾欲紉蘭。
不堪苛禮責，應以籜爲冠。

雨中答觀山叔用來韵

連歲逢霖潦，蕭條四埜空。
喜看今乍稔，旋告浪翻洪。
遊子言將別，離懷耿不窮。
出門纔數武，愁絕路難通。

將遊九華宿山寺

名山堪曳屐，落日且移船。
埜寺緣溪徑，雲林帶石泉。
鐘聲遙度嶺，月色漸浮川。
此夜僧房宿，寒燈不待懸。

上龍池

飛流三百丈，石洞秘靈湫。
峽坼坼開雷，芥天虛下月。
鈞化形時試，鉢吐氣或成樓。
吾欲鞭龍起，爲霖遍九州。

送周君食年丈之任義烏

全宋詩卷之三
睠此烏傷里欣傳驥足來先聲能破鬼下軌若
鳴雷不負雲霄志初杼舟楫材鷄鳴山上月幾
度發新醅

喜晤許啓芳孝廉

蘭佩交初洽觴飛興不禁塵勞欣乍息道氣許
相尋覽卷頻燒燭規時競矢音莫言良會易今
古幾同心

西山對月

月色西山寺鐘聲空外聞禪扉開玉几花鳥出
紅雲幽馥芝蘭侶婆娑鶴鹿羣譚玄方未已侵
坐露紛紛

秋夜

煩暑未云息新秋忽送清翻風梧一葉待月露
三更野馬空將盡寒蛩隱欲鳴追涼亦甚適手
自理茶鐺

潘石乳父母內召送別二首

詔下徵良吏星垣綴瑣垣寵行仙棹捷惜別野
歌喧鳩鵲當車舞江花照錦簾知君抱忠讜遠

邇望嘉言

憶昔迎華轂家嚴矍鑠年論交多道氣合志在
遺編窮巷車頻過分庭禮獨偏送君今日意別
淚轉潺湲

苦雨懷歸

中伏方煩暑連朝凍雨浸竹枝風歷亂蟻陣水
浮沉莓氣蒸書濕霾雲入席深懷歸情轉切惟
悴對重陰

公館小憩

行臺依古寺僧舍自成鄰殿迥凝殘雪墻低入
早春渟泥頻滑馬煦日正宜人去去小崑畔松
梢挂月新

胡氏園居

花飛春色老藜竹月光來三徑疑蓬島層樓倚
玉臺林幽麋自適墊曠鶴初回歌枕窓前臥無
令車馬催

秋夜小集

清宵揚素臆深坐惜餘輝露濕花光冷風飄篆

寧海齋全集 卷之三
九
裊微朋簪芳沼集詩艸雪箋揮更有踈狂客攀
槐摘紫薇

九日山陰道上二首

曲曲山陰道清清越水隈榜人歌短曲村肆出
新醅菊色沿堤秀萸香入席來臨風驚鬢落此
意付深杯
不斷湖邊路連朝艇未開霜酣楓色盡風送蓼
香來咫尺家鄉遠微茫曉日催逢人問魚雁欲
寄此情回

初入吳門同姚汝行賦

吳遊秋已暮山色轉霏微萬頃烟波渺千村粳
稻肥客舟乘月集妓樂傷宵歸不謂懷襄後歌
聲遍埜飛

百花洲

放棹百花洲涼風蕭瑟秋酒船多載月歌妓巧
凭樓殘菊香猶遠寒蟄韻轉悠蘇臺評往事寂
寞使人愁

山寺對雪

坐擁小爐畔寒威怯不勝話深門外雪詩和席
間僧蠟炬全銷炤尊醪屢滴水前村有塵甑舉
火未還曾

趙當世明府招飲焦山阻雨投甘露寺

雨阻焦山興來尋甘露林鳥栖烟樹暝徑鎖蔓
蕪深詩興觀潮發鐘聲隔院沉主人方戀客永
夜好論心

送翟爾騰侍御抗疏出京

一疏批鱗入嚴威夕出城名懸九鼎重身去五

以輕寵辱皆蒙澤憂危自繫情聖朝方賞諫且
莫厭承明

撤棘

盛世薪樵擴南宮得士多英才齊入穀茅茹共
鳴珂紫陌聯鑣度虹橋帶月過深恩何以報努
力效賡歌

讀袁君奭年丈望海篇二首

蛟川同鼓棹觀海意偏豪氣吐虬龍鬪詞驚魍
魎號谷王能擅大仙史競推高不數玄虛筆憑

誰可續騷

學海原推舊揮毫自爛然披襟凌碧漢仗劍倚
青天錯落珠淵沸縱橫鍊浪堅極觀殊渺浩何
必下蛟川

賦得青陽嶺送姚汝行之括蒼

昔日經遊地青陽嶺最高半空迎暎日百仞聽
驚濤就手疑攀漢凭虛恍駕鰲憐君重過此肯
厭筍輿勞

楊侍御母夫人六十

青鳥瑤池下芳筵翠水開舞衣翻鴈錦法善備
蘭臺象服山河重龍章次第來百年稱慶日長
進菊花杯

送胡寅之司李廣陵

送君辭闕去秋色迴晴霄鶻翻搏風健駟車擁
傳驕平反傾列郡才望急中朝羨殺揚州鶴令
人思欲飄

無題

世態紛何似中宵傀儡場浮雲隨聚散苦海浪

寧澹齋全集卷之三
閒忙有夢憑囊枕無心託醉鄉名根殊未了下
捷理蒙莊

聞警

禁籞春深日仙官擁玉珂羽書紛驛騎宮樂舞
陽阿無計能排闥何人爲枕戈金甌千載固蒿
目望銅駝

寧澹齋全集卷之三

終

